



საქართველოს ოკუპირებული  
ტერიტორიებიდან დევნილთა,  
მშრომის, ჯანმრთელობისა და  
სოციალური დაცვის სამინისტრო

შრომის პირობების ინსპექტირების დეპარტამენტი  
ერთად შევქმნათ უსაფრთხო სამუშაო გარემო!

## ახალი კორონავირუსით (SARS-CoV-2) გამოწვეულ ინფექციასთან (COVID-19) დაკავშირებული ზოგადი რეკომენდაციები - ავტოტექმომსახურება

## ძირითადი რეკომენდაციები:

შესაძლებელია მხოლოდ იმ ავტოტექნომოსახურების ობიექტების გახსნა, რომელთაც აქვთ დახურული სივრცე ავტომობილის შესაკეთებლად, იმგვარად, რომ არ მოხვდეს მომხმარებელი სამუშაო სივრცეში.

### ახალი კორონავირუსის დროს განსახორციელებელი ღონისძიებები:

1. მომსახურების საჭიროების თაობაზე მომხმარებელი მიმართავს ავტოტექნიკური სერვისის მიმწოდებელ კომპანიას და შეათანხმებს მომსახურების დროს, რიგების თავიდან აცილებისა და მომსახურების დროულად და ეფექტურად მიწოდების მიზნით. მომსახურების მიღება ხორციელდება შემდეგნაირად:
  - დათქმულ დროს და ადგილას, მომხმარებელი გადააბარებს თავის ავტომანქანას მომსახურე პერსონალს;
  - თავდაპირველად ავტომანქანიდან გადმოდის ავტომობილის მფლობელი და ტოვებს გასაღებს ავტომანქანაში;
  - ავტომანქანას უახლოვდება სათანადო ინდივიდუალური დაცვის საშუალებებით აღჭურვილი მომსახურე პირი, რომელიც ავტომობილის სავარძელზე (მძღოლის მხარეს) დააფენს დამცავ საფარს (შესაძლებელია პოლიეთილენის პარკი, რულონური ქაღალდი);
  - ავტომობილის შეკეთების შემდეგ, მომსახურე პერსონალი უკავშირდება ავტომანქანის მფლობელს და განუსაზღვრავს დროს ავტომანქანის გადასაცემად;
  - ავტომანქანის გადაცემა ხდება იგივე წესით, რაც განსაზღვრულია ავტომანქანის ჩაბარებისთვის.
2. პერსონალის დაცვის საშუალებები სამუშაო სივრცეში უნდა განხორციელდეს შემდეგი წესით:
  - დამსაქმებელმა უნდა შეიმუშაოს უსაფრთხოების გეგმა, როგორც ვირუსის აღმოჩენამდე განსახორციელებელი ღონისძიებების თაობაზე, ასევე ვირუსის აღმოჩენის შემთხვევაში სამოქმედო გეგმა;
  - დასაქმებულს უნდა ჰქონდეს სრულყოფილი ინფორმაცია ვირუსთან დაკავშირებული ყველა საკითხისა და პრევენციული ღონისძიებების შესახებ:
    - განთავსდეს ყველასათვის თვალსაჩინო ადგილას ორგანიზაციის მიერ გასატარებელი პრევენციული ღონისძიებების გეგმა;
    - განთავსდეს ჰიგიენური საშუალებებით დაცვის ღონისძიებების შესახებ სრულყოფილი ინფორმაცია სათანადო ადგილას, მათ შორის ხელის დაბანის, ნიღბის, ხელთათმანის მორგების, ტარების და მოცილების წესები;
    - სპეც. ტანსაცმელის (საჭიროების შემთხვევაში) ჩაცმის, ტარების და გახდის წესები.
  - დამსაქმებელმა უნდა შეამციროს თანამშრომელთა სამუშაო საათები (მაქს. 6 სამუშაო საათი);
  - დამსაქმებელმა სამუშაო სივრცეში უნდა აკონტროლოს დასაქმებულთა რაოდენობა - ერთობლივად არაუმეტეს 5 ადამიანისა ერთ სივრცეში შესაძლებელია კვადრატულობის განხილვაც~
  - იქ, სადაც დასაქმებულებს მომხმარებლებთან უწევს ურთიერთობა (მომსახურებისთვის თანხის გადახდა) დამონტაჟდეს კოლექტიური დაცვის საშუალებები:
    - დეზობარიერი - შესასვლელში, მოსასვენებელი/სასადილო ფართის წინ;
    - დამცავი გამჭვირვალე ბარიერები - თანამშრომლების მესამე პირებთან ურთიერთობის შემთხვევაში.
  - დაიცავით თანამშრომლები ინდივიდუალური დაცვის საშუალებებით და არ დაუშვათ სამუშაო სივრცეში პირი, რომელიც არ არის აღჭურვილი სათანადო ინდივიდუალური დაცვის საშუალებებით:
    - პირბადე;
    - ხელთათმანი;
    - საჭიროების შემთხვევაში - სახის დამცავი ფარი;
    - სპეც. ტანსაცმელი.
  - აწარმოეთ დასაქმებულების ყოველდღიური თერმოსკრინინგი (ობიექტზე შესვლის წინ);
  - დაიცავით დისტანცია (მინ. 2 მეტრი) დასაქმებულებს შორის.